

古黃河之流經于夏臺嶺海鹽之澗于周禮後之澗  
方輿者凡四履之一水一石莫不第諸版圖焉夫  
這處河濱數被衝淤雖沙嶺陂陁所在多有實無一  
卷之一不堪以山稱者舊誌誌縣北黑山不知始自何  
人其所從來固遠矣且疑既稱為山亦宜畧顯其跡  
後乃彌望坦平後讀資治通鑑至漢獻帝初平四年  
曹操繫袁術圍封邱始知作史者以黑山別部為言  
蓋作誌者以封邱黑山為句遂謂封邱古有黑山也

設嘗由于是耳封邱既無黑山今不必更踵其說  
經雖流縣南實與中原共之非封邱所得有然瀆河  
諸邑惟封邱受其患頻而且劇河若為封邱獨有之  
矣詳已具河防茲特敘其古今南北之變若他細流  
雖淤久而舊跡難覓而其名固不可不存也

古黃河流封邱之北禹貢至于大伾今直隸濬縣山  
也南去封邱一百四十餘里秦王賁伐魏引河以灌  
大梁決處遂大不可復補此時黃河當在封邱之南  
漢文帝時河決酸棗東潰金隄東郡大興卒塞之其  
是黃河復流封邱北矣歷東漢而唐而宋河徙決不

其地皆有封邱迹北自元末賈  
魯自黃陵岡挑河而河益南至于今封邱在其北岸  
相去或二十餘里或三十里變遷無常難定其在邑  
西南流封邱境內者亦如之若有時衝決故道則荒  
溝草塞斷岸沙橫全境皆有書不勝書已

沁河源出山西經武陟新鄉陽武流入封邱于家店  
北繞本縣南三里穿挑陂河東注宏治二年沁河溢  
封邱被浸後六年黃河決于家店趨封邱吞沁河黃  
河水去沁河遂淤後上流徑經武陟木灤店南流入  
黃河順治甲午秋大雨連月沁河水溢由陽武復入

封邱縣續志

卷三

封邱境平地深丈餘泮民田禾幾盡次歲懷郡增堤  
過之水始落

翟溝在縣南八里又名漢渠漢書地理志封邱下註  
曰漢渠水首受沛東北至都關入羊里水過郡三行  
六百三十里孟康曰春秋傳敗翟於長邱今翟溝是

史記魯世家

宋武公之世在春秋前二十五年  
鄭賁伐宋河徒皇父師禦之以敗翟于長邱

翟溝

翟溝在縣西南二十里河水自龍門砥柱而下至  
此最爲險阻遠矣因築堤置重以禦之一曰新

古澤口一名九家潭又曰汪家潭在縣西南二十里  
于家厓北大河七八畝今涸

黑龍潭在邑東北三十五里廣深皆數丈餘舊傳有  
黑龍潛焉故名今淤

磨臍潭在邑東北四十里灣上周圍圓而下中高如  
磨臍然今於楚黃墩上秦王書曰王又割楚磨之北  
索隱曰濮磨地名近濮水水經曰濮水上承濟水于  
封邱縣磨潭得無以此水而訛傳乎

古蹟

古昔可傳者雖歷數百千年之久猶令人執卷太息  
慨然遠想或一旦經其故地遇其舊物憑覽低徊每  
有餘慕是以睹河洛者美大禹之德登廣武者歎思  
英雄即宋玉歸州之宅王粲峴前之井杜陵老亦反  
覆吟咏三致意焉豈不以古人雖往而陳跡所留不  
能不以之興懷也哉封邱小邑也而三代以來代有  
足紀谷陵數易城郭並非尋訪遺趾惟有青草白沙  
荒烟斷樹而已賴舊誌所載得聞其畧而間多緣飾  
附會陰陶帝虎之疑茲蒐古籍讐校其訛其有散見

邱縣續志

卷三

四

諸史舊誌所缺者采而增之以補其未備至其所在  
之方未有確據姑闕其文以俟知者

黃池在縣南神馬里

舊志周穆王傳曰黃之池其馬噴沙即此地也

春秋哀

公十三年公會晉侯定及吳子夫差于黃池

順治九年河決

于此今積水為潭深不可測

黃池亭杜預曰在縣南左傳吳因于服景伯以還及

戶庸然則黃池在戶牖西或以為外黃縣東溝非也

魯卒在封邱縣北春秋成公五年十有二月己丑公

會晉侯齊侯宋公衛侯鄭伯曹伯邾子祀伯同盟於

黃池在縣南許曰縣南縣

平邱在縣東四十里黃陵社今平邱集是也春秋昭  
公十三年秋公會劉子晉侯昭齊侯景柴公元衛侯  
靈鄭伯定曹伯武葛子邾子薛伯杞伯小邾子於平  
邱八月甲戌同盟於平邱風俗傳云平邱舊靈公邑  
邑名封阜西漢爲平邱縣郡志云此地舊有臨濟亭  
平邱城歷代沿革表晉省平邱入封邱平邱屬封邱  
舊地明矣  
臨濟亭水經注曰在平邱田儋死此章邯已破陳王  
乃進兵擊魏王於臨濟齊王田儋將兵救魏章邯夜  
銜枚大破其軍於臨濟下殺齊王

封父亭在縣治坊西北唐書宰相世系表云封民出  
白姜姓炎帝裔孫鉅爲黃帝師肝土命氏在夏侯氏  
之世封父列爲諸侯其地汴州封邱有封父亭卽封

父所都知縣耿紘祚  
置扁識其亭

桐牢亭或曰卽  
古龜牢

鞠亭古鞠  
古鞠

封邱亭

翟母井在縣治西翟母故里相傳天旱澇井禱雨輒

驗久淤知縣耿紘祚命匠鑿之得  
出

白溝

青陵在對邱之南郭成與慕谷之超兩軍相逼處  
黃陵臺在縣東北青陵社韓憑爲宋康王舍人妻何  
氏美王欲之捕舍人築青陵臺何氏作烏鵲歌以見  
志遂自縊死韓亦死王埋韓憑夫妻宿昔文梓生有  
鴛鴦雌雄各一恒棲樹上音聲感人或云化爲蝴蝶  
樂府諸古書載此事者頗多皆以憑妻爲何氏獨封  
憑以何氏爲息氏息字恐訛

崔臺在縣治保和坊崔頤正崔偃佺兄弟讀書講習  
之所保和坊在縣治前

八角井旁有九井在縣東二十里潘店舊志謂爲宋

樞密使潘仁美之故里考之宋史止有潘美無潘仁  
美也美字仲詢大名人謚武惠宋之有傳與封邱全  
無干涉八角井可以不書而潘仁美之誤不可不辨  
也

入景載於舊志且多名賢題咏誠小邑之勝概也但  
不無可疑者如磨潭古濮磨也則謂其周圍俱平而  
中獨高如磨臍然恐無此水性如淳于崗每旦有鐘  
聲土人以爲力農農與之候近於恠矣意欲矜奇不  
論物理好事者之緣飾非實跡也今不錄

風俗

風以地異俗以習成蓋山來有漸匪伊朝夕之故矣  
然而逸則惡生勞則思善又爲理勢之自然是以瘠  
土之民嚮義者多狃奸宄而敗常亂俗知其庶幾免  
矣夫封邱之民之困窮也兵火饑疫之後猶重之以  
數年之洪水流離顛躓餬其口于四方一旦幸得居  
平土葺敝廬刈蒿菜耕先疇指摺卒瘡之弗違其誰  
敢淫心舍力也者宜先世之流風遺俗迄今未泯也  
其民力稼穡勤本務其士崇經術重倫紀鄉閭遠讓  
尊年尚齒其喪婚以禮約不至陋豐不及靡性多樸

封邱縣續志

卷三

八

實惟魯少文貧富不相耀強弱不相侵災患相恤疾  
病相扶矢節志而羞干謁敦親睦而恥訐訟敬上畏  
法急公樂輸寧無一二弗若於政弗化於訓者夫嘉  
禾之隴糧莠亦所時有而良農之有秋自若則封邱  
之俗可知已

蓋聞唐魏儉朴燕趙多慷慨悲歌之士齊魯好文學  
而臨淄之中七萬戶其民無不鬪雞走狗六博鬪賭  
者亦以風土各別則習俗自異貞淫奢儉誠未等

豈而同觀矣而古之論治者固不在十刀筆淫靡  
其譽期會之是務而惟競競于茲風易俗爲人

先豈不以革薄從忠騷廉恥而進于長厚在乎轉移  
化導之有道以幾上理無難哉夫習俗之易于移入  
也雖賢者或有所不免封印民昏墊其容離居異縣  
者久矣而質朴儉勤俗無改于其舊固民性之淳良  
歟亦由三十餘年來政教之所培育飲食教誨休養  
而生息之又申之以十六

二論月再宣講誥誠淳諄焉民即欲爲不義不惟有所畏  
懼亦且其心愧恥爭自濯磨蒸蒸向化伊誰之力歟  
先儒羅豫章有云風俗者天下之大事廉恥者士人  
之美節士人有廉恥則天下有風俗而又推本言之

必以在上之教化爲先務蓋教化明而後風俗美則  
今日之封邱陵谷變遷而風俗淳厚猶有先民之遺  
意者烏可不思其所自耶

地氣不同所生亦異惟其良者乃足

琳

東至西河是浮而金錫竹箭東南之美封邱平衍沙  
廣無山林衡鹿之利無藪澤魚蟹之饒土力疏薄其  
產不豐雖分子魯公述于祝鮀古有封父繁弱之文  
今舉以問士人鮮有辨其物者惟麻麥五穀在在樹  
藝間歲不登所入常不足供租稅若其他鳥獸草木  
從無有珍禽秀異堪稱特產足備方物者瑣族細類  
固不足書而封邱之地瘠民貧亦可知也已

冢墓

昔比干之墓武王封焉柳季之壟亦樵採有禁蓋古之賢哲令德昭於生前卽遺墳抔土猶令人敬慕無窮豈必將軍之塚高卧石麟刺史之碑能生金粟也哉封邱遭河水淤填峻者悉平卽長堤屹如僅留一綫之脊又何有於塚之纍纍賴舊誌有文猶堪求訪前之君子覽而感懷或增築乎馬鬣或俎豆於歲時新陌若斧舊鬼不餒甚盛舉也獨是秦平王毛孝先以及崔欒諸君子功名志節文采風流史冊各有列傳而桑梓舊地至問其首坵之處則邑乘所不載故

老無知者尚論及此不能無慨歎焉

翟母墓在縣內保和街今縣治西漢高帝厄楚時餒甚母嘗饋食及帝帝業成母已逝乃封其墓置封邱縣縣之得名以此有古井相傳爲媪之舊跡云事類於淮陰之漂母與光武之豆粥若以封翟母之墓爲封邱古封父之封長邱平邱之邱又何以稱焉正史所無封志獨有旣不敢遽以爲是亦未敢遽以爲非姑仍其舊以俟知者

百里嵩墓在縣東五里廟岡嵩邑人也漢時爲徐州

刺史

所至甘霖輒降邑人立廟祀之廟卽在墓前

河水未涸時神

道舊碑尚存

王伯當墓在縣西北二十里伯當後儀人

見唐書李勣傳

為翟讓賊黨後以李密待之厚願畢命以報密

唐復謀叛伯當止之不從遂為盛彥師所執伯當

密同死於陸渾縣南那公峴之下唐曾以伯當為

武衛將軍徐世勣表請葬密於黎陽伯當當亦

所葬

韓坵在縣東十五里世傳宋韓丞相墓

志遺其墓無可考

韓憑夫妻墓在縣東北二十五里青陵杜事見古蹟

知縣王賜魁建祠祀之額曰貞烈

封邱縣續志

卷三

十二

知縣耿紘祚復扁其神龕曰烏鵲雙飛題其聯曰鴛

塚只生連理樹蝶魂不上別枝花於祠門仍額曰言

青陵臺

完顏君用墓在縣北西吳村

舊有神道碑

完顏氏係金宗

姓元初君用以從征李壇功食邑千封故卒葬縣境

義塚有三南門外有一計地十畝一在縣東南一里

一在縣西北一里